

14 апреля 2020 года

Страстная седмица

ВЕЛИКИЙ ВТОРНИК

**Последование малого
повечерия с трипеснцем
для домашнего
(келейного) совершения**

Молитвами святых отец наших,
Господи Иисусе Христе, Боже наш,
помилуй нас. **А**минь.

Слава Тебе, Боже наш, слава
Тебе.

Царю Небесный, Утешителю,

Душе истины, Иже вездé сый и вся исполняй, Сокрóвище благíх и жízни Подáтелю, прииди́ и вселíся в ны, и очíсти ны от всякíа сквёрны, и спаси́, Блáже, ду́ши нáша.

Святýй Бóже, Святýй Крéпкий, Святýй Безсмёртный, помíлуй нас. **Трижды, и три поклона.**

Слáва Отцú, и Сýну, и Святóму Дúху, и ны́не и прíсно, и во вéки векóв. **Амíнь.**

Пресвятáя Трóице, помíлуй нас: Гóсподи, очíсти грехи́ нáша; Влады́ко, прости́ беззакóния нáша; Святýй, посети́ и исцели́ нéмощи

наша, имене Твоего ради.

Господи, помилуй. **Трижды.**

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Я**ко Твое есть Царство и сила и слава во веки. Аминь. (Мф. 6: 9-13)]

Господи, помилуй, **12.**

Сла́ва, и ны́не:

Прииди́те, поклони́мся Цареви
нашему Богу.

Прииди́те, поклони́мся Христу́,
Царе́ви на́шему, Бо́гу.

Прииди́те, поклони́мся и
припаде́м Само́му Христу́, Царе́ви и
Бо́гу на́шему.

Псалом 50

Поми́луй мя, Бо́же, по вели́цей
ми́лости Тво́ей, и по мно́жеству
щедро́т Твои́х очисти́ беззакони́е
моё. Наипа́че омы́й мя от
беззакони́я моего́, и от греха́ моего́
очисти́ мя; я́ко беззакони́е моё аз
зна́ю, и грех мой предо мно́ю есть

вѣну. Тебѣ Единому согрѣших и лукавое пред Тобѡю сотворих, яко да оправдишия во словесѣх Твоих, и победиши внигда судити Ти. Се бо, в беззаконіих зачатъ есмь, и во гресѣх роди мя мати моя. Се бо, истину возлюбилъ еси; безвѣстная и тайная премудрости Твоея явилъ ми еси. Окропиши мя иссопом, и очищуся; омыеши мя, и паче снѣга убелюся. Слуху моему даши радость и веселие; возрадуются кости смиренныя. Отврати лице Твое от грѣх моих и вся беззаконія моя очисти. Сердце чисто созижди во мнѣ, Бѡже, и дух прав обнови во утробѣ моей. Не отвержи мене от

лица Твоего и Духа Твоего Святаго
не отыми от Мене. Воздаждь ми
радость спасения Твоего и Духом
Владычним утверди мя. Научу
беззаконныя путем Твоим, и
нечестивии к Тебе обратятся.
Избави мя от кровей, Боже, Боже
спасения моего; возрадуется язык
мой правде Твоей. Господи, устне
мои отверзеши, и уста моя
возвестят хвалу Твою. Яко аще бы
восхотел еси жертвы, дал бых убо:
всесожжения не благоволиши.
Жертва Богу дух сокрушен; сердце
сокрушено и смиренно Бог не
уничижит. Ублажи, Господи,
благоволением Твоим Сиона, и да

созыждутся стѣны Иерусалимския.
Тогда благоволиши жѣртву правды,
возношеніе и всесожегаемая;
тогда возложат на олтарь Твой
тельцы.

Псалом 69

Боже, в по́мощь мою вонми,
Господи, помощі ми потщися. Да
постыдятся и посрамятся ищущи
дúшу мою, да возвратятся вспять и
постыдятся хотящии ми злая. Да
возвратятся абие стыдящесе
глаголющии ми: благоже, благоже.
Да возрадуются и возвеселятся о
Тебѣ вси ищущии Тебѣ, Боже, и да
глаголют вѣну, да возвеличится
Господь, любящии спасѣние Твое:

аз же нищ есмь и убог, Бóже,
помози ми: Помощник мой и
Избавитель мой еси Ты, Гóсподи,
не закоси.

Псалом 142

Гóсподи, услыши молитву мою,
внуши моление мое во истине
Твоей, услыши мя в правде Твоей и
не вниди в суд с рабом Твоим, яко
не оправдится пред Тобою всяк
живый. Яко погна враг душу мою,
смирил есть в землю живот мой,
посадил мя есть в темных, яко
мертвые века. И уни во мне дух
мой, во мне смятеса сердце мое.
Помянух дни древния, поучихся во
всех делах Твоих, в творениих руку

Твоёю поучахся. Воздѣхъ къ Тебѣ рѹце
мой, душá моя, яко земля
безводная Тебѣ. Скóро услыши мя,
Гóсподи, исчезѣ дух мой, не
отврати лица Твоегó от Менѣ, и
уподóблюся низходящымъ в ровъ.
Слышану сотвори мнѣ заўтра
мíлость Твою, яко на Тя уповахъ.
Скажи мнѣ, Гóсподи, путь вóньже
пойдѹ, яко къ Тебѣ взяхъ дѹшу мою.
Изми мя отъ врагъ моихъ, Гóсподи, къ
Тебѣ прибегóхъ. Научи мя творити
вóлю Твою, яко Ты еси Богъ мой. Духъ
Твой Благій наставитъ мя на зѣмлю
праву. Имене Твоегó ради, Гóсподи,
живиши мя, правдою Твоею
изведѣши отъ печáли дѹшу мою. И

мѣлостію Твоею потребиши врагѣ
моѣ и погубиши вся стужающыя
душѣ моѣй, яко аз раб Твой есмь.

Великое славословие

Слава в вышнихъ Бѣгу, и на земли
мир, в человецехъ благоволеніе.
Хвалимъ Тя, благословимъ Тя,
кланяемъ Ти ся, славословимъ Тя,
благодаримъ Тя, великія ради
славы Твоея. Господи, Царю
Небесный, Боже, Отче
Вседержителю, Господи Сыне
Единородный, Иисусе Христѣ, и
Святѣй Душе. Господи Бѣже, Агнче
Бѣжий, Сыне Отечъ, вземляй грех
мѣра, помилуй насъ. Вземляй грехи
мѣра, прими молитву нашу. Седяй

одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяку ночь благословлю Тя и восхваляю имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Сподóби Гóсподи, в но́щь сию́
без грехá сохранíтися нам.
Благословéн есѣ́ Гóсподи Бóже
оте́ц на́ших, и хва́льно и
просла́влено ѣ́мя Твоé во ве́ки,
амѣ́нь.

Буди, Гóсподи, мѣ́лость Твоѣ́ на
нас, я́коже упова́хом на Тя.
Благословéн есѣ́, Гóсподи, научи́
мя оправда́нием Твоѣ́м.
Благословéн есѣ́, Влады́ко, вразуми́
мя оправда́нием Твоѣ́м.
Благословéн есѣ́, Святѣ́й, просвети́
мя оправда́нии Твоѣ́ми.

Гóсподи, мѣ́лость Твоѣ́ во век,
дел руку́ Твоéю не прѣзри: Тебѣ́
подобáет хвалá, Тебѣ́ подобáет

пéние, Тебé сла́ва подобáет, Отцú, и
Сы́ну, и Свято́му Ду́ху, ны́не и
прíсно, и во вéки векóв. Амíнь.

Вéрую во еди́наго Бо́га Отца́
Вседержíтеля, Творца́ не́бу и
земли́, ви́димым же всем и
невидимым. И во еди́наго Го́спода
Иисúса Христá, Сы́на Бо́жия,
Единорóднаго, Ёже от Отца́
рождéннаго прéжде всех век. Свёта
от Свёта, Бо́га йстинна от Бо́га
йстинна, рождéнна, несотворéнна,
единосúщна Отцú, Ёмже вся бы́ша.
Нас ráди человек и нáшего ráди
спасéния сшédшаго с небéс и
воплотívшагося от Ду́ха Свята и
Марíи Дéвы и вочеловéчшася.

Распя́таго же за ны при
Понтійстем Пилáте, и страдáвша,
и погребéнна. И воскрéсшаго в
трéтий день по Писáнием. И
возшéдшаго на Небесá, и седяща
одесну́ю Отцá. И пáки грядúщаго со
слáвою судíти живы́м и мёртвым,
Егóже Цáрствию не бúдет концá. И
в Дúха Святáго, Гóспода,
Животворящаго, Ёже от Отцá
исходящаго, Ёже со Отцём и Сы́ном
спокланяема и сслáвима,
глагóлавшаго прорóки. Во ед́ину
Святúю, Собóрную и Апóстольскую
Цёрковь. Исповéдую ед́ино
крещéние во оставлénие грехóв.
Чаю воскресéния мёртвых, и

жѣзни бѹдущаго вѣка. Амѣнь.

Трипеснец,
творение господина Андрея
Критскаго. Глас 2.

Песнь 3

Ирмос: Неплѣдствовавший мой
ум, плодонѣсен, Бѣже, покажи ми,
Дѣлателью дѣбрых, Насади́телю
благих, благоутрѣбием Твоим.

Слава Тебѣ, Бѣже наш, слава
Тебѣ.

Кончины время, обратимся
прѣчее, Христѣс учит: Придет
бо во мгновѣнии, придет и не
умѣдлит, судити мѣру всему.

Сла́ва Тебе́, Бо́же наш, сла́ва Тебе́.

Внеза́пное Своего́ пришество́вия Христо́с являя, рече́, Но́ево дре́вле ненаде́жное тле́ние, наве́стися хотя́щее земли́.

Сла́ва Тебе́, Бо́же наш, сла́ва Тебе́.

Отве́рзесе́ черто́г, украси́ся с ним Боже́ственный бра́к, Же́них близ призыва́яй нас, угото́вимся проче́е.

Сла́ва Тебе́, Бо́же наш, сла́ва Тебе́.

Си́монов дом, невместима́го вездé, вме́сти Тя, Иису́се Царю́, и

женá грéшная мíром Тя помáза.

Слáва Тебé, Бóже наш, слáва Тебé.

Благовóния тайнственнаго испóлнена женá, пёрваго избáвися зловóния, Спáсе, мнóгих грехóв: мíро бо источáеши жízни.

Слáва Тебé, Бóже наш, слáва Тебé.

Небéсная пíще, álчущым Животé Сам сый, ял есí Христé с челове́ки, проявляя снизхождéние Твоé.

Слáва Тебé, Бóже наш, слáва Тебé.

Неблагодáрный учени́к,
отве́ргся Тебе́, Христе́, собо́рище
всебеззако́нных люде́й
сподвиза́ше на Тя, на преда́ние
обра́щся.

Сла́ва Отцу́, и Сы́ну, и Свято́му
Ду́ху.

Тро́ичен: Со Отце́м Тебе́ Сы́ну,
и Ду́ху Пра́вому, Еди́ному
Естеству поклоня́юся и воспева́ю,
Ли́цы разделяя, и Суще́ством
соединяя.

И ны́не, и прѣсно, и во ве́ки
векóв. **Ами́нь.**

Богоро́дичен: Ро́ждшая Тя
А́гница, Па́стыря и А́гнца, прѣсно

**мóлит, Иисúсе Бóже, о всех
лю́дех, вéрующих в Тя.**

Ирмóс: Неплóдствовавший мой
ум, плодонóсен, Бóже, покаж́и ми,
Дéлателью дóбрых, Наса́дителью
блаѓих, благоутрóбием Тво́им.

Гóсподи, помíлуй. Трижды.

Сла́ва, и ны́не:

Седáлен, глас 1:

**Се лука́вый сове́т вои́стину
собра́ся неи́стовно, я́ко
осу́жденика осуди́ти горé
Седя́щаго, я́ко Судию́ всех
Гóспода. Ны́не собира́ется с
Пила́том Ёрод, А́нна вку́пе же и
Каиа́фа, испытáти Еди́наго**

Долготерпеліваго.

Песнь 8

Ирмос: В купинѣ Моисѣю Дѣвы чудо, на Синаѣстей горѣ, прообразівшаго иногда, пойте, благословіте, и превозносите во вся вѣки.

Слава Тебѣ, Боже наш, слава Тебѣ.

Не невѣдый время нашего скончания, держай вѣки, день оный не вѣдети предречѣ: но предѣлы всем положи к смиреномудрию.

Слава Тебѣ, Боже наш, слава Тебѣ.

Егда́ сядеши, Судіе,
разлуча́яй, я́коже рекл еси́,
Па́стырь от овец ко́злища, Спа́се,
стоя́ния о́наго изба́ви нас, не
лиши́ же нас Божéственныя
десни́цы Твоея́.

Сла́ва Тебе́, Бо́же наш, сла́ва
Тебе́.

Ты еси́ Па́сха на́ша, пожре́ный
за всех, я́ко А́гнец и Жéртва, и
прегрешéний очищéние, и Твоя́
Божéственныя страсти
превозно́сим, Христé, во вся
вэ́ки.

Сла́ва Тебе́, Бо́же наш, сла́ва
Тебе́.

Дрэву уподобися, и селу́, и хра́мине все жити́е, душэ́ моя́: тэмже стяж́и к Бóгу гото́во сёрдце, да не что тлэ́нием плóти оста́виши.

Сла́ва Тебэ́, Бóже наш, сла́ва Тебэ́.

Не к фарисе́ом, Спа́се, ни к Сíмону то́кмо изво́лил еси́ во храм на снeдь вни́ти: но уже и мытарí, вкúпе и блудни́цы, Твоё почерпа́ют милосёрдие.

Сла́ва Тебэ́, Бóже наш, сла́ва Тебэ́.

Сребролюбие рачи́тельствуяй
предáтель Иúда, о

**истощившемся міре печашесе:
прочее же о проданіи Влыдыки,
к беззаконным пришѣд о цене
согласоваше.**

Слава Тебѣ, Бóже наш, слава
Тебѣ.

О блаженных рук! О, власов и
устѣн Целомудренный
блудницы! Имиже возлиа, Спасе,
міро на нóзе Твои, отираючи я,
и чáсто облобызáющи.

Слава Тебѣ, Бóже наш, слава
Тебѣ.

Возлежáщу Тебѣ, Слове, женá
предстáвши и у ног рыдáющи,
сткляницу, Спасе, истощи міра

на главѹ Тебѣ Безсмѣртнаго
Міра.

Благословім Отца, и Сына, и
Святаго Духа, Господа.

Со Отцем Сына, и Святаго Духа,
Святую Троицу в Божестве
Едином славим, вопиюще: Свят,
Свят, Свят еси во веки.

И ныне, и присно, и во веки
векѡв. Аминь.

Молитвами, Спасе, Пречистыя
Твоея Матере, и Твоих апостол,
милости Твоя нам низпосли
богато, и мир Твой подаждь
людem Твоим.

Хвалим, благословим,

покланя́емся Го́сподеви, пою́ще и
превозно́сяще во вся ве́ки.

Ирмо́с: В купинé Моисéю Дéвы
чудо, на Сина́йстей горé,
прообразы́вшего иногда́, пойте,
благословите́, и превозносите́ во
вся ве́ки.

Песнь 9

Ирмо́с: Преестéственно плóтию
Зачéншую во чрэ́ве, от Отца́
безлётно предвозсия́вшее Сло́во, в
пéснях немóлчных велича́ем
вёрнии.

Сла́ва Тебе́, Бо́же наш, сла́ва
Тебе́.

Дéлания **вре́мя,** **спасéния**

**наме́рение, тала́нт взема́ши
древний о́браз, ду́ше моя́, купи́
вечную́ жизнь.**

**Сла́ва Тебе́, Бо́же наш, сла́ва
Тебе́.**

**Я́ко свещи́ свѣтлыя украси́вше
ду́шы, Жениху́ приходи́щу, к
нетле́нному бра́ку, прѣжде
заключе́ния дверей, вни́дем с
Ним.**

**Сла́ва Тебе́, Бо́же наш, сла́ва
Тебе́.**

**Показа́ти хотя́, Иису́се,
преесте́ственное Твоего́
смирѣния́ всем, ял еси́ в дому́
Симонове́ вечеря́в, а́лчущих**

пи́ще.

Сла́ва Тебе́, Бо́же наш, сла́ва Тебе́.

Хлеб сый Животворящий, снел еси́, Иису́се, с Си́моном фарисеем, да блудни́ца приобря́щет некупиму́ю благода́ть Твою́ истоща́нием ми́ра.

Сла́ва Тебе́, Бо́же наш, сла́ва Тебе́.

Ру́це мой скверна́ве, устне́ блудни́чи во мне, нечи́сто мое́ жити́е, растле́нны уды: но осла́би ми и оста́ви, вопи́ет блудни́ца Христу́.

Сла́ва Тебе́, Бо́же наш, сла́ва

Тебѣ.

Пристѹпльши женá к ногáма
Твоѣма, Спáсе, возливáше мѣро,
благоухáния исполняющѣи, и
мѣра исполняема дел очищѣния.

Слáва Тебѣ, Бóже наш, слáва
Тебѣ.

Аромáты богатѣю,
добродѣтельми же нищѣтствую,
яже ѣмам, Тебѣ приношѹ; даждь
Сам, яже ѣмаши, и ослаби ми, и
оста́ви, вопиѣт блудни́ца Христѹ.

Слáва Тебѣ, Бóже наш, слáва
Тебѣ.

Мѣро у менѣ тлѣнное, мѣро
у Тебѣ жѣзни: мѣро бо Тебѣ **И**мя

изли́янное на досто́йныя. Но
осла́би ми и оста́ви, вопиёт
блудни́ца Христу́.

Сла́ва Отцу́, и Сы́ну, и Свято́му
Ду́ху.

Тро́ичен: Безнача́лен еси́,
О́тче, несозда́нен еси́, Сы́не,
сопресто́лен и Ду́ше, Еди́но Три,
естествóм, и Три Ли́цами, Еди́н
Бог Ёстинный.

И ны́не и прѣсно, и во ве́ки
векóв. Ами́нь.

Богоро́дичен: Богоро́дице,
упова́ние чту́щих Тя прѣсно, не
преста́й моля́щи из Тебе́
родѣвшагося, изба́вити мя бед и

всѣкихъ искушѣний.

Ирмосъ: Преестественно плотию
Зачѣншую во чрѣве, от Отца
безлѣтно предвозсиявшее Слово, в
пѣсняхъ немолчныхъ величаемъ
вѣрнии.

Таже:

Святѣй Бѣже, Святѣй Крѣпкій,
Святѣй Безсмѣртный, помилуй нас.
Трижды, и три поклона.

Слава Отцу, и Сыну, и Святому
Духу, и ныне и присно, и во веки
вѣковъ. **Аминь.**

Пресвятая Троице, помилуй нас:
Господи, очисти грехи наша;
Владыко, прости беззакония наша;

Святѣй, посети и исцели немощи
наша, имени Твоего ради.

Господи, помилуй. **Трижды.**

Слава, и ныне:

Отче наш, Иже еси на Небесех, да
святится имя Твое, да придет
Царствие Твое, да будет воля Твоя,
яко на Небеси, и на земли. Хлеб
наш насущный даждь нам днесь; и
остави нам долги наша, якоже и
мы оставляем должником нашим;
и не введи нас во искушение, но
избави нас от лукаваго.

[**Я**ко Твое есть Царство и сила и
слава во веки. Аминь. (Мф. 6: 9-13)]

Кондак, глас 4:

Пáче блудни́цы, **Б**ла́же,
беззако́нновав, слез тучи
ника́коже Тебе́ принесо́х: но
молча́нием моля́ся припа́даю Ти,
любо́вию облобыза́л пречи́стеи
Твои́ но́зе: я́ко да оставле́ние
мне, я́ко Влады́ка, пода́си долго́в,
зову́щу Ти, Спа́се: от скве́рных
дел мо́их изба́ви мя.

Господи, помилуй. **40.**

Иже на всякое время и на всякий
час, на Небесí и на земли,
покланяемый и слаvimый, Христé
Бóже, Долготерпели́ве,
Многоми́лостиве, Многоблагó-
утрóбне, **И**же пра́ведныя любя́й и
грéшныя ми́луй, **И**же вся зовы́й

ко спасенію обещанія ради
будущих благ. Сам, Господи,
прими и наша в час сей молитвы
и исправи живот наш к заповедем
Твоим, души наша освяти, телеса
очисти, помышления исправи,
мысли очисти и избави нас от
всякия скорби, зол и болезней,
огради нас святыми Твоими
Ангелы, да ополчением их
соблюдаемы и наставляемы,
достигнем в соединение веры и в
разум неприступная Твоея славы,
яко благословен еси во веки веков,
аминь.

Слава, и ныне:

Господи, помилуй. Трижды.

Честнѣйшую Херувѣм / и
слѣвнейшую без сравнѣнія
Серафѣм, / без ислѣнія Бѣга
Слѣва рѣждшую, / сущую
Богорѣдицу, Тя величѣем.

Молѣтвами святѣх отѣц нѣших,
Гѣсподи Иисусе Христѣ, Бѣже наш,
помѣлуй нас. **Амѣнь.**

Молитва святаго Ефрема Сирина:

Гѣсподи и Владѣико животѣ
моегѣ, дух прѣздности, унѣнія,
любоначѣлія, и прѣзднослѣвія не
даждь ми. **Земной поклон.**

Дух же целомѣдрія,
смиреномѣдрія, терпѣнія, и
любвѣ, дѣруй ми рабѣ Твоемѣ.

Земной поклон.

Ей, Гóсподи Царю, дáруй ми зрѣти моя прегрешѣния, и не осуждáти брáта моего, я́ко благословѣн еси́ во вѣки векóв, амíнь. Земной поклон.

Та́же ма́лых 12, глаго́люще в себѣ на кійждо поклóн: Бóже, очíсти мя грѣшнаго.

И па́ки: Гóсподи и Влады́ко животá моего: всю до концá.

И поклóн едíн велíкий.

Гóсподи, помíлуй. 12.

И молитва молебная ко Пресвятей Богородице:

Несквѣрная, Неблázная,
Нетлѣнная, Пречíстая, Чíстая
Дѣво, Богоневѣсто Владычице, яже
Бóга Слóва челове́ком преслáвным
Твои́м Рождество́м соединíвшая, и
отрíнувшееся естество́ рóда
нашего небѣсным совоку́пльшая:
яже ненаде́жных еди́на Наде́жда, и
борíмых по́моще, гото́вое
заступлѣние к Тебѣ притека́ющих,
и всех христиа́н прибѣжище. Не
гнуша́йся менѣ грѣшнаго,
сквѣрнаго, сквѣрными по́мысли, и
словесы́, и дея́ньми всего́ себѣ
непотрѣбна сотво́рша, и ра́зумом
лѣности сласте́й жити́я раба́
бывша; но яко человеколюбíваго

Бо́га Ма́ти, человеколю́бне
умилосе́рдися о́ мне грéшнем и
блúднем, и приими́ моé, éже от
сквёрных устéн приносíмое Тебé
молéние: и Твоегó Сы́на, и на́шего
Влады́ку и Гóспода, ма́тернее Твоé
дерзнове́ние употребле́юще, моли́,
да отве́рзет и́ мне
человеколю́бныя утрóбы Своея́
бла́гости, и презрэв моя́
безчи́сленная прегрешéния,
обрати́т мя к пока́йнию, и Свои́х
за́поведей де́лателя иску́сна яви́т
меня. И предста́ни мне прíсно, я́ко
ми́лостивая, и милосе́рдая, и
благолю́бивая, в настоя́щем убо
жити́и тёплая Предста́тельница и

Помощнице, сопротивных
нашествия отгоняющи, и ко
спасению наставляющи мя: и во
время исхода моего окайнную мою
душу соблюдающи, и темныя
зраки лукавых бесов далече от нея
отгоняющи: в страшный же день
суда вечныя мя избавляющи муки,
и неизреченныя славы Твоего
Сына и Бога нашего наследника мя
показующи. Юже и да улучу,
Владычице моя, Пресвятая
Богородице, Твоим ходатайством и
заступлением, благодатию и
человеколюбием Единороднаго
Сына Твоего, Господа и Бога и
Спаса нашего Иисуса Христа.

Емуже подобает всякая слава,
честь и поклонение, со
Безначальным Его Отцем, и
Пресвятым, и Благим, и
Животворящим Его Духом, ныне и
присно, и во веки веков, аминь.

Молитва иная ко Господу нашему
Иисусу Христу,
Антиоха монаха Пандекта:

И даждь нам, Владыко, на сон
грядущим покой тела и души, и
сохрани нас от мрачного сна
греховного, и от всякого темного и
нощного сладострастия: укроти
стремления страстей, угаси
разжженные стрелы лукаваго, яже
на ны льстиво движимыя: плоти

на́шея воста́ния утоли́, и всякое
земно́е и веще́ственное на́ше
мудрова́ние успи́. И да́руй нам,
Бо́же, бодр ум, целому́др по́мысл,
се́рдце трезвя́щееся, сон легóк и
всякаго сатанина́ мечта́ния
изменён. Возста́ви же нас во вре́мя
моли́твы утвержде́ны в за́поведех
Твои́х, и па́мять суде́б Твои́х в себе́
твёрду иму́ща: всенóщное
славосло́вие нам да́руй, во ёже
пéти и благослови́ти и сла́вити
пречестно́е и великолéпое и́мя
Твоё, Отца́, и Сы́на, и Свята́го Ду́ха,
ны́не и прісно, и во ве́ки веко́в,
амінь.

Пресла́вная Присноде́во, Ма́ти

Христа́ Бóга, принеси́ нашу
моли́тву Сы́ну Твоему́ и Бóгу
нашему, да спасёт Тобо́ю ду́ши
на́ша.

Молитва иная святого Иоанникия:

Упова́ние моё Оте́ц, прибе́жище
моё Сын, покрóв мой Дух Святы́й,
Тро́ице Свята́я, сла́ва Тебе́.

Сла́ва, и ны́не:

Го́споди, помíлуй. Трижды.

Благослови́.

Отпу́ст

Христé, и́стинный Бóже наш,
моли́твами Пречи́стыя Твоея́
Ма́тере, преподо́бных и

**БОГОНО́СНЫХ ОТЕ́Ц НА́ШИХ И ВСЕХ
СВЯТЫ́Х, ПОМИ́ЛУЙ И СПАСИ́ НАС, Я́КО
Благ и Человеколю́бец. Аминь.**

И просим друг у друга прощения

И молитва:

**Ненави́дящих и оби́дящих нас
прости́, Го́споди, Человеколю́бче.
Благотворя́щим благосотвори́.
Бра́тиям и срóдником на́шим
да́руй я́же ко спасéнию проше́ния
и жизнь вéчную. В не́мощих су́щия
посети́ и исцелéние да́руй. И́же в
мо́ри упра́ви. С путешéствующими
спутешéствуй. Служа́щим и
ми́люющим нас, грехóв оставлéние
да́руй. Заповéдавших нам,**

недостойным, моли́тися о них,
помилуй по вели́цей Твоёй
милости. Помяни́, Го́споди, прэ́жде
усóпшия отцы́ и бра́тию на́шу, и
упокóй я́, иде́же присещáет свет
лицá Твоегó. Помяни́, Го́споди,
бра́тий на́ших пленённых и избáви
я́ от всякаго обстоя́ния. Помяни́,
Го́споди, плодоно́сящих и
добродéлающих во святы́х Твои́х
цёрквах, и даждь им я́же ко
спасéнию проше́ния и жизнь
вэ́чную. Помяни́, Го́споди, и нас,
смирённых и грéшных и
недостойных раб Твои́х, и
просвети́ наш ум свéтом рáзума
Твоегó, и наста́ви нас на стезю́

заповедей Твоих. Молитвами
Пречистой Владычицы нашей
Богородицы и Приснодевы Марии
и всех Твоих святых. Яко
благословен еси во веки веков.
Аминь.